

NOTA KONSEITUAL

Ministeriu Finansas no Ministeriu Negósiu Estranjeiru no Kooperasaun sei organiza enkontru entre Timor-Leste ho Parseirus Dezenvolvimentu ou “Timor-Leste Development Partners Meeting (TLDPM)” iha loron kinta-feira, 4 Jullu 2019.

Antesedensia

TLDPM nudar mekanismu ida atu Estadu Timor-Leste hasoru malu ho Parseirus Dezenvolvimentu hodi halo enkontru, diálogu no koordinasaun. VIII Governu Konstitusionál kontinua komprometidu atu apoia diálogu polítiku no sei uza forum ida ne'e ba vizaun nebee partilhada entre parte hotu hodi dezenvolve Timor-Leste ne'ebe prósperu.

Tema ba tinan ida ne'e, **Hametin Koordinasaun hodi Finansia Dezenvolvimentu** (*Deepening Coordination for Financing Development*), refleta Governu nia kompromisu atu envolve no empenha an ho Parseirus Dezenvolvimentu. Governu iha kompromisu atu hametin parseria ho Parseirus Dezenvolvimentu no servisu hamutuk atu hadiak povu Timor-Leste nia moris.

Foku husi Enkontru

TLDPM tinan ida ne'e atu estabelese dalan ida hodi **Hametin** kompromisu Governu no Parseirus Dezenvolvimentu sira nia envolvimento no empenhu iha tempu badak no médiu. Enkontru ida nee sei reitera prioridades Governu nian, identifika areas ne'ebe persiza atu involve Parseiru sira, no mos atu prepara terrenu ba parseirus dezenvolvimentu hodi envolve-an ho Governu.

Pontu importante ida husi ajenda maka apresentasaun kona ba programa no prioridades VIII Governu Konstitusionál. Sesaun ida nee sei fornese hanoin ne'ebe klaru ba Parseirus Dezenvolvimentu sira kona ba vizaun no direasaun Governu nian ba tempu badak médiu. Sesaun ne'e sei realsa mos areas prinsipais ne'ebe persiza Parseiru Dezenvolvimentu sira nia assistensia.

Aleinde apresentasaun ne'ebe mensiona iha leten, Parseiru Dezenvolvimentu sira mos sei benefisia husi ajenda rua tan ne'ebe sei fornese dados no evidénsia ba formulasaun projetus foun ka areas atu suporta. Primeriu, sei partilha rezultadu preliminaríu kona ba Timor-Leste nia Revizaun Nasional Voluntariu ba Metas Desenvolvimentu Sustentável (**Voluntary National Review of the SDGs**). Resultadus preliminaris_hirak nee sei partilha globalmente atu subliña kompromisu Governu nian, no mos hanesan referensia ba Governu nia progresu, hodi realiza ODS. Segundu, partisipante sira mos sei hetan informasaun kona ba Avaliasaun Dezenvolvimentu Finanseiru, relatoriu ida ne'ebe foo detalhes klaru no mos rekomendasoens ba prioridades reforma ba kuadru finansiamentu governu nian atu estimula dezenvolvimentu setór privadu.

Ikus liu, lansamentu Politika Assistensia Externa. Dokumentu ida nee hanesan revizaun ida husi *Politika Gestaun Efektiva ba Ajuda Externa*, nebe desenvolve husi espíritu dokumentus ida ne'e rasik, no fornese sujestoens no prosedimentus ne'ebe konkretus ba Parseiru Dezenvolvimentu sira no Governu atu halo tuir hodi bele enkoraja ka impulsiona boas práticas relasiona ho assistensia dezenvolvimentu. Politika Assistensia Externa ida nee sei define oinsa Governu no Parseiru Dezenvolvimentu sira servisu hamutuk.

Rezultadu Esperadu

Hatene diak liu kona ba prioridades Governu, areas ne'ebe bele benefisia ka hetan apoiu husi Parseiru Dezenvolvimentu sira, oinsa halo parseria ne'ebe diak liu ho Governu, no politika no prosidimentus nesesárius ba oinsa atu envolve iha atividades foun.